



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Theses Vniversae Theologiae Speculativæ, Sacramentalis,
& moralis**

Petrus <a Sancto Josepho>

Coloniæ, 1648

Liber I.

urn:nbn:de:hbz:466:1-42284



THESES
VNIVERSÆ
THEOLOGIÆ
Speculativæ, Sacramentalis, &
Moralis.

PARS TERTIA:

Continens summam accuratissimam Ideæ
Theologiæ Moralis.

LIBER I.

DE LEGIBVS.]

CAP.I. **L**Ex secundum suam essentiam, non tan-
Ref. 1. tūm ad rationem, sed etiam ad voluntā-
tēm spectare videtur.

Quod intellige de lege positiva, sive divina, sive
humana, lex enim naturalis est independens ab actu
libero voluntatis divinæ.

Ref. 2. Dē ratione legis est, ut ordinetur in bonum
commune. **Q**uod præsertim intelligi debet de lege
positiva.

Imō etsi naturalis proximè tendat ad bonū parti-
culare, ea ex consequenti respicit bonum commune,
quod non nisi ex bonis particularium coalescit.

Illud est discrimen inter Regem, & Tyrannum,
quod Rex subditorum bonum, Tyrannus verò pro-
ptium respicit.

Ref. 3. Non spectat ad quemlibet condere leges, sed tantum ad multitudinem, vel ad eum qui praest multitudini.

Unde leges à Platone conscriptæ, non habent propriè rationem & vim legum, nisi ab aliqua Republica approbatæ, & constitutæ sint.

Ref. 4. Promulgatio est de ratione, & essentia legis. Unde legem non promulgaram non teneris servare, etsi privatâ scientiâ cognoscas eam statutam esse.

Ut lex obliget, non est necesse quod singulis personis in particulari sit promulgata, aut in singulis locis; sed sufficit, quod omnibus generatim, & in locis celebrioribus proposita fuerit.

Lex naturalis promulgatur homini quoad habendum, in creatione, quoad actum verò, cum primùm ratione utitur.

Itaque lex potest definiri, Ordinatio rationis, ad bonum commune, ab eo qui curam communitatis habet, promulgata.

Ref. 5. Ad valorem legis canonica, aut civilis, acceptatio populi non est necessaria: adeoque peccant eam non servantes, quod videant, eam nondum à populo acceptatam esse.

Si tamen talis non acceptatio tanto tempore daret, quantum requiritur ut desuetudo legitimè prescripta censeatur, tunc fas est legi non obedire.

Ac præterea si lex statuta est nimis gravis, licet eā non observare, donec clarius constet de mente legislatoris, quæ quamprimum exploranda est.

CAP. II. *Ref. 1.* Lex æterna ponenda est in Deo. Ea tamen propriè non est lex, ut de lege hic agimus, defectu subditorum quibus ab æterno promulgari potuerit.

Distinguitur ab Idea, nam ratio divinæ sapientiæ, ut per eam cuncta creata sunt, est ars, vel Idea; ut autem omnia gubernat, & moveret ad debitum finem, habet rationem legis.

Omniss

Omnes leges, inquantum participant de recta ratione, derivantur à lege æterna, cui subduntur quæcunque divinæ gubernationi subduntur: boni quidem perfectè, at mali imperfectè ex parte actionis, perfectè verò ex parte passionis.

Ref. 2. In nobis ponenda est lex aliqua naturalis, quæ aliud nihil est quām, judicium, illud, seu dictamen rectæ rationis, quo judicamus bonum esse prosequendum, & malum fugiendum.

Per intelligentiam assentimur primis principiis speculativis; per synderesin, practicis.

Ex illo principio pratico, bonum est amplectendum, & malum fugiendum, multa alia deducuntur, sed quædam facilius, quām alia.

Lex naturalis est eadem apud omnes, quoad sua principia communissima, non tamen quoad omnes conclusiones, saltem remotiores, ex iis deductas.

Unde multa præcepta naturalia à simplicioribus possunt inculpabiliter ignorari.

Ref. 3. Lex naturæ mutari potest per additionem aliorum præceptorum legis divinæ, vel humanæ.

Non tamen per subtractionem, ita ut quod jam est de lege naturæ, de illa postea desinat esse.

Libertas, bonorum proprietas, matrimonium clandestinum, aliaque hujusmodi sunt tantum de jure naturali concessivo, non præceptivo, adeoque mutatione in iis contingere potest.

Ref. 4. Non potest Deus propriè dispensare in lege naturæ, faciendo scilicet, ut quis ad eam non tenetur, sub iisdem illis circunstantiis sub quibus tenebatur.

Exempla Abrahæ filium volentis occidere, Oseæ accedentis ad mulierem fornicariam, & Israëlitarum Ægyptios spoliantium, oppositum non suadent.

Tenemur ex jure naturæ servare votum, aut juramentum non relaxatum: potest tamen summus Pontifex auctoritate Dei illud relaxare, quo ipso cessat obligatio promissum servandi.

Lex

Lex naturalis, quoad principia communia, deleri non potest ex cordibus hominum, potest tamen, quoad conclusiones ex iis deductas, quae sunt præcepta particularia:

CAP. III. Ref. 1. Conscientia est actus ille intellectus, quo judicamus aliquid esse faciendum, aut non faciendum.

Unde distinguitur à synderefi, quae est habitus quidam, quo cognoscimus prima principia præctica:

Conscientia est multiplex, nimirum recta, erronea; dubia; probabilis, & scrupulosa.

Ref. 2. Peccatum est agere contra conscientiam existantem, quae dictat aliquid agendum, aut non agendum esse.

Quando conscientia errat invincibiliter, tenetur homo facere quod ipsa dictat.

At quando errat vincibiliter, ea quidem, quandiu durat, obligat ne quis contra illam faciat, non tamen ut juxta illam operetur.

Qui ex errore invincibili putat se, sive hoc egerit, sive oppositum peccaturum, non peccat alterutram contradictionis partem, sequendo.

Ref. 3. Ille peccat, qui facit aliquid, practicè dubitans esse peccatum; non tamen si dubium illius existat in speculativum.

Quando rem aliquam bona fide possidens, incipit dubitare an tua sit, potes eam retinere, si praemissa sufficienti diligentia, non potes dubitam vincere.

Non tamen teneris votum implere, si dubitas an votum emiseris; secus si constat te vovisse, & tantum dubitas an intentio vovendi adfuerit.

Nec teneris servare præceptum, de quo dubitas an latum fuerit, vel an ad talēm materiam se extendat: secus si solūm dubitas an satisfecisti.

Verum teneris obedire, quando dubitas, num
quod?

quod juber superior licitum sit, vel illius facultatem excedat.

Etsi in dubiis possimus sequi partem favorabiliorē, optimum tamen consilium est, tutiorem amplecti.

Ille est irregularis, qui dubitat; an sit reus homicidii; ut si dedit causam abortui, & dubitatur an fœtus esset animatus.

Ref. 4. Ille non peccat qui sequitur opinionem probabilem, relicta probabiliōri. Dicitur autem opinio probabilis, quæ firma aliqua ratione nititur.

Unde potest confessarius consilium dare, & absolvere, juxta opinionem probabilem, dimissa probabiliōri quam ipse amplectitur.

Potest sacerdos, quoad licitum usum sacramentorum, sequi sententiam probabilem, relicta probabiliōri.

At quando agitur de valore sacramenti; plerumque probabilibus dimissis, certa tantum adhiberi debent; maximè quando ministratur sacramentum ad salutem pœnitentis necessarium.

Quando medicamenta solum probabilia; suppetunt, potest medicus illud usurpare quod probabile est, relicto probabiliōri.

Dico, solum probabilitam si medicinæ certæ habetur copia, ea tantum adhiberi debet.

Quod si non habetur medicamentum certum aprobabile, nullaque sit spes de salute infirmi, probabile est licere tunc applicare medicamentum aliquod dubium.

Graviter tamen peccant medici, qui cum remedia probata & utilia suppetunt, ignota adhibent, ut eos cum vim, & grorum periculo experiantur.

Potest judex sententiam ferre ex opinione probabili, relicta probabiliōri; in praxi tamen tutius est iudicare juxta sententiam probabiliōrem, & ita consendum arbitror.

Si tamen constat, probationes utrinque esse æqua-
les, tam de facto, quam ex jure, res de qua agitur est
dividenda; aut, si dividendi nequit partes inter se com-
ponendæ.

Potest advocatus causam probabilem defendere
contra probabiliorem: sicut licet clienti, ob probabi-
lem rationem; jus suum coram judice querere, aut
tueri.

Ref. 5. Licitum & laudabile est, agere contra scrupulū: id est, facere actum, quem probabiliter judi-
cas bonum, et si ex mero scrupulo malusappa-
reat.

Quando in jure dicitur, habentem scrupulum cir-
ea valorem matrimonii, non posse debitum petere;
scrupuli nomine dubium intelligitur.

Scrupulis vexatus debet sui Superioris, aut Con-
fessarii dictis omnino acquiescere.

Confessarius vero debet illud, prater alia scru-
puloſo inculcare, ut nihil credat esse peccatum
mortale, nisi possit cum juramento affirmare, tale
esse.

CAP. IV. *Ref. 1.* Necessarium fuit ad directionem
naturæ humanæ, habere legem divinam, prater na-
turem, & humanam.

Duplex est lex divina, vetus, & nova, quæ iater se
non distinguuntur specie; sed tanquam perfectum, &
imperfectum in eadem specie.

Ref. 2. Lex vetus erat bona, & rationi consentanea,
ut pote concupiscentiam reprimens, & peccata pro-
hibens.

Cum autem dicitur, Deum dedisse Iudeis legem
non bonam, agitur de præceptis iniquis, quæ Deus
permisit Iudeis imponi, in poenam peccatorum.

Usura, & libellus repudii vel non fuerunt licita,
sed tantum permitta, vel si erant licita, ut sic, non
erant mala.

Ref. 3. Lex vetus data est à Deo; ita ut idem sit au-
thor veteris, & novi testamenti, Christum promi-
tens, & tribuens.

Lex

Lex antiqua data est Angelorum ministerio, nova autem per ipsum Deum hominem factum.

Lex vetus solis Judæis data fuit, ut specialiter sanctificarentur, & dicarentur cultui Dei: quare alias gentes non obligabat.

Ref. 4. Lex nova non distinguitur à veteri, quoad finem, sed quoad modum ducendi ad finem.

Omnes differentiæ quæ assignantur inter novam & antiquam legem, sumuntur secundum rationem perfecti & imperfecti.

Lex antiqua dicitur lex timoris, nova autem lex amoris, quod intellige, quoad statum, non quoad singulas personas.

Lex vetus per novam fuit completa, tam quoad finem, quæ est hominum justificatio, quam quoad præcepta, quorum veriorem intelligentiam, turorremque, ac perfectiorem observantiam Christus tradidit.

Lex nova virtualiter consistet in veteri, sicut arbor in semine, aut species in genere.

Lex vetus est multò gravior, nova si attendatur ad opera externa quæ præcepta erant: at si ratio habeatur interiorum actuum, non præcisè sed ut cum fide & gratia conjuncti sunt, sic nova est longè suavior veteri.

CAP. V. Ref. 1. In veteri lege erant præcepta mortalia, seu de actibus virtutum moralium, quibus homines fiebant boni.

Erant etiam in ea præcepta cærimonialia, id est de operationibus, seu cæmoniis externis, quibus Deus colendus erat.

Erant & præcepta judicialia, seu de modo quo iustitia inter homines observanda erat.

Ref. 2. Præcepta omnia mortalia pertinent ad legem naturæ, sed diversimodè: nam aliæ difficilius, alia difficilius ex communibus principiis naturalibus cognoscuntur.

Eiusmodi præcepta reducuntur ad Decalogum,

no

non autem communia & per se nota , nec quæ non nisi per disciplinam sapientum , proveniunt à Deo ad populum.

Præcepta Decalogi convenienter enumerantur , quatenus per tria priora homo disponitur ut bene se habeat in ordine ad Deum ; per septem reliqua in ordine ad homines .

Convenienter etiam ordinantur , quatenus graviora , sunt peccata contra Deum ; quam contra homines : & inter ista graviora , contra parentes , quam contra alios .

Ref. 3. Cæremoniæ aliquæ legis convenienter dividuntur in sacrificia , sacramenta sacra ; & observantias .

Omnes ejusmodi cæremoniæ habebant duplē causam valde congruam , alteram literalem , alteram figuralem .

Ref. 4. Præcepta judicialia ad 4. capita reducuntur , iuxta ordinem quem habent cives ad principem , inter se , cum extraneis , cum uxoribus , & filiis & servis .

Quatenus non inferuntur ex principiis naturæ ; tanquam eorum conclusiones , differunt à moralibus , & convenient cum cæremoniis .

Quatenus vero ordinantur ad convictum hominum inter se invicem , distinguuntur à cæremoniis , quæ ad cultum Dei pertinent .

Christus morte sua nos liberavit à præceptis cæremoniis , & judicialibus , non à moralibus : judicialia tamen possunt iterum institui ; ut patet ex decimis .

Ref. 5. In lege nova sunt præcepta triplicis generis , ziempe moralia ; fidei , & sacramentorum , cum postrema duntaxat sint ex nova ordinatione .

Lex nova sufficienter hominem ordinat non modo quoad actus exteriores , sed etiam quoad interiores , ut patet ex sermone Domini in monte .

Ref. 6. Modus aliquis virtutis , ut scilicet fiat sciens

ter

ter & liberè cadit sub præceptum, non autem ut fiat ex intentione satisfaciendi.

At non cadit sub præceptum, quod actus fiat firmiter, & immobiliter. Potest etiam satisfieri per opus ex circumstantia malum, dummodo sit bonum ex objecto.

Modus charitatis est in præcepto, quando divina lex præcepit actum dilectionis, at non quando aliquid aliud præcipitur.

CAP. VI. Ref. 1. Utile fuit aliquas leges ab hominibus constitui, quæ protervos, pœnatum metu, à vitiis retraherent, & ad virtutem inducerent.

Ex præceptis naturalibus, ut ex principiis communibus, ratio humana procedit ad aliqua magis particulariter disponenda; & hæc particulares dispositiones dicuntur leges.

Ex ejusmodi principiis aliquid derivatur, vel per modum conclusionis, ut, neminem esse occidendum; vel per modum determinationis, ut quod aliquis tali poena afficiatur.

Ref. 2. In principibus Ecclesiasticis, & secularibus est vera potestas condendi leges.

Quando Deus prohibet ne quid addatur ad verba & præcepta ejus, id debet intelligi de additione repugnante ipsis præceptis divinis.

Christianæ libertas novi testamenti non consistit in liberatione à præceptis humanis, sed in libertate à jugo peccati, & præceptorum cæremonialium.

Ref. 3. Leges humanæ multa possunt præcipere, aut vetare, quæ lege naturali, aut divina non sunt præcepta, aut prohibita.

Quod intellige de iis legibus, quæ derivantur à naturali per modum determinationis duntaxat, non de iis quæ ab ea derivantur per modum conclusio-

nis.

Ref. 4. Leges humanæ dividuntur vel juxta diversitatem laborantium pro bono communi, vel juxta

juxta diversa regimina, vel juxta materiam quam trahant.

Jus naturale dicitur, quod unicuique insitum est à natura, Civile quod à Principe, aut Republica constitutum est; jus vero gentium, quod consentaneè ad regulas rectæ rationis, communi omnium fere gentium usu, & consuetudine introductum est.

Ref. 5. Lex humana non prohibet omnia vitia, sed tantum ea sine quorum prohibitione societas humana stare nequit.

At neque præcipit omnes virtutes, sed eas tantum quæ ad bonum commune ordinantur, vel mediataè, vel immediatè.

Ref. 6. Lex humana sive civilis; sive Ecclesiastica non potest directè præcipere actus internos.

Quod sacerdos absolvat hominem à peccatis merè internis, id non est ex lege Ecclesiastica, sed ex iure divino.

Potest tamen lex humana indirectè præcipere actum internum, quando ille necessarius est ad externum, qui præcipitur.

Lex humana præcipiendo actum externum, censetur præcipere internum qui necessarius est, ut externus in esse morali constituatur.

CAP. VII. *Ref. 1.* Lex omnis obligat in conscientia, vel ad culpam, vel ad pœnam. At consilium neutram obligationem imponit.

Regulæ & Constitutiones Regularium, quæ non obligant ad culpam, vel ad pœnam, non sunt propriæ leges, sed ordinationes quædam.

Ref. 2. Tunc lex non obligat, quando fundatur in falsa præsumptione facti alicujus particularis.

Unde si per falsos testes cogeris solvere Titio quod ei non debes, potes compensatione uti.

Non tamen cooperaris peccato Titii solvendo, sicut nec peccato usurarii, solvendo eiusuras minimè debitæ.

Lex obligat quando fundatur in præsumptione periculi,

periculi, seu potentiae quae plerumque ad astum reducitur, et si factum in particulari cesseret.

Unde lex irritans matrimonia clandestina, extenditur etiam ad matrimonium clam sine fraude contractum.

Ref. 3. Lex obligat ad culpam mortalem, quando concipitur verbis praceptivis; qualia sunt illa, præcipio, jubeo, impero, &c.

Quod extendendum videtur, etiam ad legem praceptivam, quæ poenas decernit pro transgressoribus.

At lex non ita obligat, quando fertur verbis indiferentibus, qualia sunt illa, volumus, decernimus, ordinamus, &c.

Ex eo quod gravis poena corporalis per legem imponatur, non sequitur eam obligare sub mortali.

Quando violanti legem imponitur gravis poena spiritualis, ipso facto incurrienda, signum est eam obligare sub mortali: secus si sit poena tantum imponenda.

Ref. 4. Non potest legislator in materia ex se levia, gravem obligationem imponere: nisi ea aliunde sit gravis, ut interdum contingit, maximè in Religionibus.

Potest tamen in materia gravi obligare tantum sub veniali; esto pœnitens gravem satisfactionem in confessione impositam, sub mortali implere tenetur.

Ref. 5. Lex humana potest interdum obligare sub periculo vitæ: v. c. ad bellandum quando bonum commune id exigit.

Ut plurimum tamen lex humana non obligat cum tanto periculo: etiam cum obligat sub peccato mortali.

Carthusianus carens omni alio cibo, tenetur sub peccato mortali, carnis vesci: at si suppetant alias cibi, non tenetur in gravi aggritudine carnis vesci.

Addo

Addo probabilius esse, Carthusianum in eo casu non posse licetè carnibus vesci.

CAP. VIII. Ref. 1. Legislator non obligatur suis legibus, obligatione coactiva, obligatur tamen obligatione directiva.

Nisi quando lex non est accommodata statui Principis; ut cum prohibetur ne quis pretiosis vestibus utatur.

Legislator legem suam non servans, non tam contra illam peccat, quam contra legem naturæ.

Unde et si materia sit gravis, non peccat mortali-ter eam violando, nisi sequatur grave scandalum, aliud vè incommodum notabile.

Ref. 2. Infideles non baptizati, & pueri ante usum rationis, non obligantur legibus Ecclesiasticis.

Unde nec illi peccant comedendo carnes diebus jejunii, nec qui iis carnes comedendas porrigunt.

Infantes statim adepto rationis usu tenentur legibus Ecclesiasticis: nisi specialiter usque ad maturitatem etatem dispensentur.

Ref. 3. Peregrini tenentur servare leges speciales locorum per quæ transeunt, presertim eas quæ ad commodum aliquod temporale ejusmodi locorum destinantur.

A fortiori tenentur servare leges communes, et si in eorum patria non vigeant. Unde non potest Castellanus transiens per Galliam, animalium intestinis vesci die sabbathi.

Majori ratione hæc habent locum in vagis, qui nullibi fixum habent domicilium.

Ref. 4. Peregrini non tenentur servare leges suæ patriæ, quando sunt in locis, ubi non videntur.

Hinc non peccat Parisinus, non audiens Missam die sanctæ Genovefæ, in locis, ubi hoc festum non colitur.

Si die festo, antequam è tua parochia exeras, ad aliam

aliam ubi non est festum, celebretur missa, eam audi-
re teneris.

At si sacrum nondum fit, non teneris expectare,
donec celebretur, ut illud audias.

Quando in tua parochia jejunatur, potes jejunium
frangere, antequam ex eas ad aliam ubi non jeju-
natur.

Et qui jejunans mane, in loco ubi non jejunatur,
accedit postea ad locum ubi servatur jejunium, non
tenetur reliqua diei parte jejunare.

Qui ob jam dicta non tenetur jejunare in locis ubi
servatur jejunium, tenetur saltem ibi a carnis ab-
stinere.

Licetum est exire e loco in quo jejunatur, eo ani-
mo ut non jejunetur in alio, ubi jejunium non ob-
ligat.

CAP. IX. Ref. 1. Datur lex aliqua merè poenalis,
qua scilicet non obligat ad culpam, sed tantum ad
poenam.

Ut homo poenam mereatur, non requiritur culpa
strictè sumpta, prout est offensa Dei, sed sufficit culpa
civilis & politica.

Ref. 2. Etsi lex poenalis non obliget in conscientia
ad faciendum aliquid, sic tamen obligat ad poe-
nam subeundam, qua pro illius transgressione de-
cernitur.

Reus tenetur interdum, sub peccato, poenam pro-
pria actione ad eam requisita, exequi: ut tendere ad
locum exilii, solvere pecunias, &c.

At non tenetur, quando poenæ sunt graviores, ut
cum damnatus est ad mortem, vel ad mutilationem:
ejusmodi tamen poenas, justè ipsi inflatas, pati
debet.

Damnatus ad venenum bibendum, non potest tali
præcepto obtemperare. Qui verò damnatus est aq
mortem fame preferendam, potest cibos oblatos ac-
ceptare aut respuere.

Ref. 3. Legem transgrediens, tenetur aliquando
poenam

pœnam privatiyam subire, ante judicis sententiam; ut patet dum quis aliquam censuram ipso facto contrahit.

Alias non tenetur, ut quando pœnae privat jure quæfito. Unde Simoniaci non tenetur renunciare beneficiis antea legitimè obtentis, nisi post sententiam judicis.

Usus tamen invaliduit, ut conjux incestuosus privat jure petendi debitum, ante ullam declaracionem judicis.

Quando lex dicit, transgressor teneri pœnam subire, ante aliam declarationem, hoc intellige de declaratione pœnae, non de declaratione criminis.

Transgressor non tenetur, ante judicis sententiam, eam pœnam subire, quæ ad sui executionem exigit actionem rei, vel alterius.

In pœna latæ sententiæ expectari debet sententia judicis, non ad pœnam imponendam, sed ad crimen declarandum, propter quod imposta est, secus in pœna sententiæ ferendæ.

Unde si pœna confiscationis bonorum ipso facto sit imposta, adyeniente criminis declaratione restituendi sunt fructus percepti, ex quo tempore patrum fuit.

Ref. 4. Judex inferior tenetur iis qui legem transgrediuntur pœnam imponere.

Legislator tamen potest pœnam remittere transgressor, ex causa rationabili.

Ad judicem spectat, eam pœnam imponere quæ in lege determinata est: quam tamen interdum ob circumstantias occurrentes augere, vel minuere potest.

Si pœna sit latæ sententiæ, tenetur judex declarare crimen fuisse commissum, propter quod talem pœnam quis meruit, & dare operam ut ea executioni mandetur.

CpAP.X. Ref. 1. Consuetudo habet vim legis, solumque

Itemque definiri, Jus quoddam moribus constitutum,
quod pro lege suscipitur, quando deficit lex.

Consuetudo quæ est præter legem, novum jus
constituit, sicut & illa quæ est contra legem hu-
manam, non quæ contra naturalem, aut divi-
nam.

Res. 2. Ut consuetudo habeat vim legis, debet versa-
ri circa materiam, de qua lex statui possit.

Et induci per actus liberos, sæpe repetitos per de-
cennium non interrumptum, eosque externos, & à ma-
jori parte Communitatis elicitos.

Requiritur etiam consensus saltem tacitus Prin-
cipis, ita ut sciens novam consuetudinem introduci,
non contradicat, cùm commode possit.

Res. 3. Primus effectus consuetudinis est inducere
obligationem, tam ad culpam, quam ad poenam: &
interdum ad solam poenam.

Secundus, legem præcedentem abrogare, etiam
irritantem, in & ex causa rationabili, prohibentem
contrariam consuetudinem.

Tertius, inducere legem irritantem: unde per il-
lam: sicut abrogari. ita & induci possunt impedimen-
ta matrimonium irritantia.

Quartus, legem interpretari, quod minus est quam
abrogare, vel inducere. Unde consuetudo dicitur
optima legum interpres.

Res. 4. Consuetudo abrogari potest per sequen-
tem legem. Unde per Trid. abrogata est consuetudo
illa, qua simplex fæcerdos poterat sibi in confessio-
nium eligere quem volebat.

Per legem universalem abrogatur tantum consue-
tudo universalis, non autem specialis alicujus loci,
nisi utcunque declaretur.

Neque etiam per legem particularem, latam à
Principe universalis, derogatur per se loquendo, con-
suetudini particulari.

Secus si talis lex procedat à superiore par-
ticulari. Unde lex ab Episcopo lata, opposi-
tam

tam consuetudinem in illius dioecesi receptam tollit.

Potest etiam consuetudo abrogari per oppositam consuetudinem, ad quod decennium sufficit.

Qui novam introducunt consuetudinem, contraria legi, aut consuetudini receptae, peccant per se loquendo, quandiu sufficiens præscriptio deficit.

CAP. XI. Ref. 1. Dispensatio propriè hic sumitur pro juris relaxatione, seu pro exemptione ab obligatione legis.

Unde dispensatio differt à legis interpretatione, quod hæc est opus scientiæ, & prudentiæ, illa vero jurisdictionis.

Differt à simplici permissione, quod hæc non tollit obligationem legis; quo sit ut peccat, cui contra legem agere permittitur.

Est etiam discrimin inter abrogationem, derogationem, & dispensationem, quod abrogatio totam legem pro omnibus, derogatio vero partem duntat tollit; at dispensatio tollit tantum hic & nunc pro tali persona.

Ref. 2. Potest legislator humanus dispensare in suis Legibus, nec tantum illius superior, sed etiam successor si sit æqualis.

Quod procedit eis lex juramento, vel à superiore si confirmata; nisi superior novam obligandi vim ei iniicere intenderit.

Non potest inferior dispensare in lege superioris, et si hic non sibi expresse dispensationem reservaverit.

Unde hæc potestas differt à potestate absolvendi & censuris, quæ censetur data inferiori, quando non reservatur.

Potest tamen inferior dispensare, ex consuetudine præcripta, in re levi, in casibus saepe accidentibus, & cum necessitas urget, nec superior commode adiri potest.

Quan-

DE LEGIBUS.

139

Res. 3. Quando inferior dispensat in lege superioris, ut valeat dispensatio, legitima causa requiriatur.

At superior validè sine causa rationabili dispensat, peccat tamen venialiter ita dispensans. Imò & mortaliter, si hinc grave oriatur scandalum.

Inferior peccat mortaliter, in lege superioris fine
justa causa dispensando : potest tamen bona fides
cum excusare.

Tenetur superior dispensationem concedere, quando constat eam in bonum communis tatis, vel alicujus particularis notabiliter cessuram.

Quando dispensatio non est debita, potest legislator eam concedere sub aliquo onere : non autem quando tenetur eam dare.

Imo de facto , inferiores eodem modo dispensant : ut patet dum Episcopus cum onere dispensat quoad observationem festorum ; aut jejuniorum.

Res. 4. Tunc nulla est dispensatio, quando tacetur aliquid in petitione, quod secundum jura, aut consuetudinem exprimi debet.

Unde concessio beneficii censetur irrita , quando
impertrans non declarat , se aliud quantumvis exi-
guum habere.

Quod verum est etiam si quod tacetur tale sit, ut eo detecto superior dispensationem aquæ esset concessurus.

Item et si ignoranter, quod dicendum est, taceas, quò sit ut non valeat dispensatio, si procurator tuus, te inscio, quæ dicenda sunt, reticet.

Taciturnitas veri, per se loquendo, invalidat dispensationem, quando tacetur aliquid ad rem pertinens, quo agnito superior non dispensasset, secus si dispensasset quidem, sed non tam facile.

At, si quod ractetur non spectat ad materiam,

dispensationis, valet dispensatio, et si eo cognito superior non esset concessurus.

Quare ad valorem dispensationis, non opus est ut petens declaret, eam alias sibi esse negatam, vel similiem sibi suisce concessam.

Excipe, nisi id cedat in præjudicium tertii, vel alter superior non possit intelligere quantitatem gratiæ quam concedit.

Valet tamen secunda dispensatio in voto castitatis, et si non memineris primæ, si eadem causa petendi adhuc perseverat.

Ref. 5. Expressio falsi irritat dispensationem, quando est causa finalis, & non tantum impulsiva illius concedenda.

In dubio, an causa falso expressa sit finalis, an tantum impulsiva, præsumendum est eam esse impulsivam.

Dispensatio valet, quando erratur circa nomen personæ, pro qua dispensatio petitur: nisi dispensans ex falso nomine intelligat aliquem sibi nouum.

Non valet autem quando erratur in persona, quæ designatur, ad expediendum rescriptum.

Ref. 6. Ille qui demandatur executio dispensationis, debet in primis esse Doctor in Theologia, aut iure canonico.

Requiritur secundò, ut si approbatus ab Ordinario, ad confessiones audiendas, idque respectu pententis executionem dispensationis, si absolutione indigeat.

Tertio, ut non dispenset nisi cognita causa pendax dispensationis, de qua fit mentio in rescripto.

Quartò, ut audiat confessionem pœnitentis: quando culpabiliter mutavit propositum.

Quintò, ut dispensando ea opera imponat, quæ in Bulla sunt determinata.

Sextò, ut non dispenset in matrimonio contrahendo,

hendo, nisi impedimentum affinitatis ex copula fornicaria contractum occultum sit.

Septimò, ut conjugem ignarum impedimenti, certiorem faciat nullitatis matrimonii, eosque ante executionem dispensationis separari curet, si comodè fieri potest.

Octavò, ut post collatain dispensationem litteras dilaniet, neque eas parti restituat.

CAP. XII. Ref. 1. Obligatio legis cessat cessante causa illius finali & adæquata; idque aut simpliciter, aut tantum pro aliquo tempore, juxta cessationem cause.

Ad cessationem legis requiritur, ut causa illius totalis cesseret respectu communitatis.

Et tunc qui ex communitate advertunt causam cessasse, possunt contra legem agere, non autem alii.

Ref. 2: Lex potest abrogari, vel præcisè tollendo obligationem illius, vel statuendo legem contrariam: & prior modus valet, sine causa, non posterior.

Quovis ex istis modis fiat legis abrogatio, ut ea valeat, requiritur illius promulgatio.

Princeps validè abrogat leges quæ sunt juris communis et si earum mentionem non faciat: at non eas quæ sunt extra jus commune.

Debet tamen superior abrogando legem, illius mentionem facere, si juraverat se ei non derogatum.

Ref. 3. Duplex tradi solet legum interpretatio, alia authentica, alia doctrinalis.

Ille tantum potest legem authenticè interpretari, qui potest eam statuere.

Sacra Congregatio Cardinalium, ex commissione Sedis Apostolice, authenticè interpretatur quæ in Concilio Trid. statuta sunt.

Lex non obligat in iis casibus qui per Episkepam

in ea non censentur comprehensi, et si verba aliud somare videantur.

Potes sequi sententiam probabilem, quæ te à legis obligatione liberat, at in dubio, consulendus superior, aut si non potes, liber manes.

Lex debet explicari juxta proprietatem verborum nisi ex proprio sensu sequeretur aliquid inconveniens.

Res. 4. Lex favorabilis debet explicari juxta proprietatem verborum, non modo naturalem, sed etiam civilem. Unde nomine filii intelligitur etiam adoptivus.

At in lege præceptiva, aut pœnali communis verborum sensus sequendus est, illiusque mitior interpretatio.

Lex non est extendenda, ob similitudinem rationis, ad casum in ea non comprehensum.

Quod non tantum in lege pœnali, sed etiam in favorabili locum habet.

Nec tantum in casu, in quo aliqua dissimilitudo reperitur, sed etiam in plane simili.

Excipe 1. correlativa 2. æquiparata 3. subordinata. Nam quod ad illa spectat, dispositum in uno censetur dispositum in alio.

Debet tamen judex, quando propria lex deficit, sententiam ferre juxta id quod in simili casu statutum est.

LIBER II.

DE PECCATIS.

CAP. I. *E*tsi ad moralitatem actus requiratur libertas, id tamen quo actus constituitur formaliter moralis, seu in genere moris, non est libertas.

Quod actus sit moralis, id habet per ordinem ad objec-